



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Thomæ A Kempis Canonici Regularis Ord. S. Augustini De Imitatione Christi Libri Quatuor

Thomas <von Kempen>

Coloniæ, 1723

XXIX. Qualiter, instante tribulatione , Deus invocandus est &  
benedicendus.

[urn:nbn:de:hbz:466:1-45773](https://nbn-resolving.org/urn:nbn:de:hbz:466:1-45773)

Tu deteriora de te ipso sentire debes, & neminem infirmiore te credere.

Si ambulas ab intra, non multum ponderabis volantia verba.

Est non parva prudentia filere in tempore malo, & introrsus ad me converti, nec humano iudicio disturbari.

2. Non fit pax tua in ore hominum: siue enim bene, siue malè interpretati fuerint, non es ideo alter homo. Ubi est vera pax, & vera gloria? Nonne in me?

Et qui non appetit hominibus placere, nec timet displicere, multa perfruetur pace.

Ex inordinato amore, & vano timore, oritur omnis inquietudo cordis, & distractio sensuum.

### C A P U T XXIX.

*Qualiter, instante tribulatione, Deus invocandus est & benedicendus.*

I. **S**it nomen tuum, Domine, benedictum in sæcula: qui voluisti

lucisti hanc tentationem & tribulationem venire super me.

Non possum eam effugere, sed necesse habeo ad te confugere: ut me adjuves, & in bonum mihi convertas.

Domine, modò sum in tribulatione, & non est cordi meo bene, sed multum vexor à præsentì passione.

Et nunc, Pater dilectè, quid dicam? Deprehensus sum inter angustias. Salvifica me ex hora hac.

Sed propterea veni in hanc horam, ut tu clarificeris, cum fuero validè humiliatus, & per te liberatus.

Complaceat tibi, Domine, ut eruas me: nam ego pauper quid agere possum, & quò ibo sine te?

Da patientiam, Domine, etiam hac vice.

Adjuva me, Deus meus, & non timebo quantumcunque gravatus fuero.

2. Et nunc inter hæc quid dicam? Domine, fiat voluntas tua.

Ego bene merui tribulari, & gravari.

Oportet utique ut sustineam: & utinam patienter, donec transeat tempestas, & melius fiat.

Potens est autem omnipotens manus tua, etiam hanc tentationem à me auferre, & ejus impetum mitigare, ne penitus succumbam; quemadmodum & prius sæpius egisti mecum, Deus meus, misericordia mea.

Et quantò mihi difficilius, tantò tibi facilius est hæc mutatio dexteræ Excelsi.

### C A P U T X X X.

*De divino petendo auxilio, & confidentia recuperanda gratia.*

1. **F**ili, ego Dominus, confortans in die tribulationis.

Venias ad me, cùm tibi non fuerit bene.

Hoc est, quod maximè consolationem impedit cælestem, quia tardius